




AWIG-AWIG
DESA ADAT DLUNDUNGAN
KECAMATAN KUBU KAB. DATI II
KARANGASEM




DITRIBUTKAN
OLEH
KEPANG DESA ADAT
DLUNDUNGAN








AWIG - AWIG
DESA ADAT DLUNDUNGAN
KECAMATAN KUBU KAB. DATI II
KARANGASEM



DIPERBANYAK
OLEH
KELIANG DESA ADAT
DLUNDUNGAN



PIDAGING
MAKA BANTANG AWIG-AWIG DESA ADAT DLINDUNGAN

MURDHA CITTA

SARGA I	: ARAN LAN WEWIDANGAN	1
SARGA II	: PETITIS LAN PAMIKUKUH.....	2
SARGA III	: SUKERTA TATA PAKRAMAN.....	2
	palet 1. Indik Krama.....	2
	palet 2. Indik Prasjura.....	5
	palet 3. Indik Peraman.....	6
	palet 4. Indik Kalkul.....	7
	palet 5. Indik Tanah Druwen Desa.....	8
	palet 6. Indik Sukerta pamitegep.....	9
	Kaping 1. Karang lan Tegel.....	9
	Kaping 2. Kekayonan.....	10
	Kaping 3. Wewangunan.....	11
	Kaping 4. Wewalangan.....	12
	Kaping 5. Indik Baya.....	13
	Kaping 6. Indik penyangran.....	13
	Banjar.	
SARGA IV	: SUKERTA TATA AGAMA :	
	palet 1. Indik Dewa Yadnya.....	14
	palet 2. Indik Resi Yadnya.....	17
	palet 3. Indik pitra Yadnya.....	17
	palet 4. Indik Bhuta Yadnya.....	19
	palet 5. Indik Manusa Yadnya.....	20
SARGA V	: SUBERTA TATA PAWONGAN :	
	palet 1. Indik perabian.....	21
	palet 2. Indik palas Merabian.....	23
	palet 3. Indik sentana.....	24
	palet 4. Indik warisen.....	25
SARGA VI	: WICARA LAN PAMIDANDA :	
	palet 1. Indik wicara.....	28
	palet 2. Indik pamidanda.....	29
SARGA VII	: NGUWAH-NGUWUH IN AWIG-AWIG	30
SARGA VIII	: P E M U P U T.....	30

MIRDHA - CITTA

AUM, OM

Om Swastyastu, Om Awighamastu nama sidham.

Putusing paseban Krama Desa Adet Dlundungan
gumawe Awig - Awig Desa pakraman maka sepat siku-
siku pameneh, wastu kasidan prayodanam mami kabeh
prasama angidep mwah amagehaken kadi linging -
Awig - Awig iki.

SARGA I

ARAN LAN WAWIDANGAN DESA

pawos 1

- (1) Mungguing Desa Adat puniki mawasta Desa Adat Dlundungan.
- (2) Jebag wawidangan mawates nyatur :
 - a. Ring sisi kaler Desa Asti, Menekaji, Darmaji rauhing Temakung ;
 - b. Ring sisi Kangin Desa Cutcut Banjar Lebah rauhing - Munduk Sari ;
 - c. Ring sisi Kelod Banjar Peninggungan, Cutcut Kelod - Kauh rauhing Desa Darma winangun ;
 - d. Ring sisi Kauh Desa Ban, Panek, Pekarangan, Kaliaga.
- (3) Desa puniki kawangun antuk munjuk lungsuring saking :
 - a. Ayah pangarep ;
 - b. Ayah Dalem ;
 - c. Ayah utama.
- (4) Antuk pararem Desa emponan wawidangan palemahan tan - kaepah, kadadosang wantah atempek Desa Dlundungan, sane kararemin antuk krama Desa Dlundungan.

pawos 2

- (1) Manut Tri Lingganing Desa Adat kakawub wawidangania ka epah tiga luwire :
 - a. utama mandala makadi tegak Kayangan Tiga ;
 - b. Madia Mandala makadi papupulan paumahan, Rurung - Marga lan Tukad ;
 - c. Nista Mandala makadi setra desa.
- (2) wates palemahan Desa Adat patut kemanggehang kalih - kagentosin antuk paruman Desa.

pawos 3

Banjar Subak yadin seke - seke siosan wenang ngardi Awig Awig muah perarem maka pamikukuhnia mengda tan lempas - ring Awig-Awig Desa Adat Dlundungan saha kalingga tangannin olih klian Desa Adat Dlundungan.

SARGA II

PATITIS LAN PAMIKUKUH

pawos 4

Desa Adat puniki ngemanggehang Dasar :

- a. Pancasila ;
- b. Undang - undang Dasar 1945 ;
- c. Tri Hita Karana manut Tata Cara Agama Hindhu.

pawos 5

Luir petitis Desa Adat Dlundungan :

- a. Mikukuhin miwah ngerajegang Sang Hyang Agama ;
- b. Ngutamayang Tata prawerti Agama ;
- c. Ngerajegang kasukertan Desa saha pawongania sekala niskala.

SARGA III

SUKERTA TATA PAKRAMAN

palet 1

Indik Krama

pawos 6

Sane kebawos Krama Desa inggih punika kulawarga sane meagama Hindu ngamong ayahan Desa wiyadin Banjar uta wi sane sampun jumenek ring palemahan Desa Dlundungan mewaneng tigang sasih tur sampun bulangkep.

pawos 7

Krama Desa wenten 4 pawos :

Krama Desa wenten 4 pawos :

- a. Krama ayah : Kulawarga sane sampun ngawengku tanah ayahan ;
- b. Dalem : Kulawarga sane sampun bulu angkep (Merabian) ayah pangepek.
- c. Krama utama : Krama Desa sane ngamong tanah - ayahan kalih tanah glogoran.
- d. Krama Tamiyu: Inggih punika Krama sane mawi - wit saking dura Desa melarapan- antuk ngerereh karya jumenek - magenah ring wawidangan Desa - Adat Dlundungan mewaneng tigang sasih.

pawos 8

Ngawit dados Krama Desa wenten 4 pawos luwire :

- a. Mawit saking merabian sesampun naur wala gara.
- b. Mewates pawiwahan sesampun mewaneng tigang - sasih.
- c. Mawiwit jumenek magenah riantukan ngerereh - pengupa jiwa sajroning palemahan Desa Dlundu - ngen sesampun mewates tigang sasih tur sampun- bulangkep.
- d. Krama Desa sane ninggalin Desa, mewali malih - tedun mekrama desa sesampune naur panepak baan tur naur urunan manut agung alit pawangunan.

pawos 9

Krama Desa keni ayahan sekadi ring sor :

- a. Ayah ngarep saking krama ngarep ;
- b. Ayah Dalem saking krama bulu angkep ;

C.....

- c. Ayah Utama saking Krama Subak.
- d. Ayah Tamiy saking Krama Tamiy.

pasal 10

- (1) Tetegenan Krama Desa sekadi ring sor :
 - a. Krama Ngarep keni urunan gegem (penih) ;
 - b. Krama Dalem keni urunan/ ayahan apahro ;
 - c. Krama Utama keni urunan gegem penih ;
 - d. Krama Tamiy keni ayah urunan beras 10 (adasa)
kg beras sannggil ngewarsa.
- (2) Swadermaning Krama Desa patut tinut saturut ring seda
ging Awig-Awig paswara lan perarem Desa.

pawos 11

- (1) Polih pesayaban, prajury ngamanggehang lwir petitis-
tur kebawosin saha katibakin pamutus sahenan wicara -
nia.
- (2) Krama Desa polih duman asiki, prajury kekalih kewenta
apit - spitan.
- (3) Nyarengin paruman Desa saha wenang mastikayang pamu-
tus.
- (4) Lupa ayah-ayahan Desa riklaning ikrama ngarep sang-
kan wiadin nutug sane sampun kasudi antuk Sang Amawe-
rat.
- (5) Keluarga ayahan/ urunan antuk erta brana anut ring -
pekaryan.
- (6) Lupa ayah-ayahan pawedalan, riantukan sampun wenten-
sumendi.

pawos 12

Kekrama Desa :

- 1. Sangkaning magingsir genah kedure Desa, patut nonas
pangrahan saking prajury Desa, saha polih lekita -
tur ten polih pahpahan duren Desa.
- 2. Sangkaning seda.

3. sangkening Nyada risampun mayusa 60 warsa.
4. sangkening pinmas ngeraga manut panglokika sang-
kepan Desa.
5. sampun wenten Simendi.

palet 2

Indik prajuru

pawos 13

Tata cara Ngadegang Prajuru :

- a. Mawiwit saking Krama Ngarep.
- b. Wikan ngewacen kalih nyurat aksara latin miwah -
aksara bali.
- c. Prajuru Desa keadegang melarapan pemilihan, sampu
nika taler Klian Banjar.
- d. prajuru sane polih leluputan inggih punika :
Klian Desa Adat, Klian Banjar, pemangku Puseh lan
Dalem.
- e. Krama sane kasudi dados prajuru Desa Adat kabise-
ka ring sangkepan Desa magenah ring Bale Agung.

pawos 14

(1) Swadarmaning Prajuru luwire :

- a. Ngenterang sedaging Awig-Awig, pasuwara miwah sang
kepan Desa ;
- b. Nuntun tur ngenterang Krama Desa ngupadi manut -
petitis ;
- c. Nuntun saha nyaksinin tata cara miwah sehanening -
kauripan mabuat ngilitang pasulur kulawargane ;
- d. Maka duta Desa majenge ring sapa sira ugi ;
- e. Mawosin tur niwakang pamutus majeng ring wicara -
Krama Desane.

(2) prade prajuru mamrug kecaping Awig - Awig keni pami
danda nikel ring Krama Desane wiadin kengin kensa -
nang manut Sangkepan Desa.

pawos 15

Klian Adat kasangra antuk :

Klian Adat kasangra antuk :

- a. Klian Tempek, kewakilin antuk Juru arah dados pamar gi ;
- b. pengarah manut dudonan sowang - sowang seke ;
- c. Juru arah kapilih antuk soang-soang seke ;
- d. sajroning ngenterang sukerten ring Niskala, prajuru-Desa Adat ngutamayang Pemangku.

pawos 16

(1) prajuru kagentosin riantukan :

- a. s e d a
- b. pinunas ngeraga sesampun kesetujuin antuk Krama Desa.
- c. Memurug Awig - Awig.

(2) Ngentosin utawi ngerariyanang prajuru mangde ring sajro ning sangkepan Desa.

palet 3

Indik paruman

pawos 17

- (1) Sangkepan ring Desa Adat dlindungan kawentenang ngesasih (sannggil raina Anggara Kasih).
- (2) sajabaning punika kengin kawentenang sangkepan manut - ring kawentenan sane mabat patut bawosang tan dados - lintang ring asangkepan saking wicarane kasupeksayang.
- (3) patedunan Krama Desa kalaning sangkep malarapan susran- kulkul.
- (4) Pangrihin nunas sweca kerahajengan ring Ida Bhagawan - penyeriken, raris sangkepan kakawitin.
- (5) selentur ipun ngawentenang ngawacak ring ajeng Krama - Desa, tur ngemargiang cane.
- (6) Ngawacak kawentenang kaping kalih ngawit/ puput sangkepan.
- (7) Ring Sangkepan Krama Desa patut ngangge busana Adat / masenteng lanang/ wadon, yan wenten mamurug kapidanda - 1 kg beras.

pawos 18.....

pawos 18

Sajroning Paruman Desa/Tempek para Klian patut nyiarang sapamergin ngenterang Desa/ Tempek Kerama.

- a. Nyiarang antuk mekadi ayah-ayahan, sulur artha bera-na, Druwen Desa sane siosan ;
- b. pidabdab - pidabdab prajuru indik utsha Desa kang-kur (rencana - rencana) ;
- c. sahanan wicara saha pamutus - nyane mah sane siyo - san ;
- d. sahanan pakerab ring ajeng katiwakin pamutus antuk - paruman Desa kasinanggeh ant mikukuhang pamargin - AWig - AWig .

pawos 19

Sangkepan prajuru kamiletin antuk sahanan prajuru tur - kaenterang antuk Klian Adat :

- a. Ngrincikang Tata cara sane pacang kemargiang ;
- b. Mamutus sahananing rarancangang sane pacang niwakang tategenan ring krama Desa sadurung kapikukuhin olih-paruman Desa tan patut margiang ;
- c. Rik,laning Sangkepan wicara sane mabuat kamanggeh - sampun puput, katepasin antuk prajuru Desa tur sam - pun polih pamutus saking paruman Desa , olih krama - Desa tan dados ngawilangin malih.
- d. pamutus sangkepan sangkaning pituduh sang Amawerat - sinanggeh paswara Desa Adat Dlundungan.

palet 4

Indik Kulkul

pawos 20

Kulkul maswara/ matengeran :

- a. Atulud biasa cihna wenten sangkepan gotong royong.
- b. Atulud bulus cihna wenten ke panca baya.
- c. Tigang tulud bulus cihna sampun wenten mepadem - pademan.
- d. Kalih tulud bulus cihna wenten Yuda, kepalingan, - Kerampokan.

palet 5.....

palet 5

Indik Tanah Ayahan Desa

pawos 21

- (1) Tanah ayahan Desa, kaamong antuk Krama Desa ngarep manggeh keni ayahan sane sampun kaanutin saking - uni, yan tan tetep ngayahang, tanah ayahan punika-kajabut antuk Desa tur katiwakang ring sang patut-ngayahang manut perarem prajuru.
Tanah ayahan punika tan dados katiwakang ring anak siyosan. Tanah punika dados katiwakang ring waris-sane magenah ring wawidangan Desa Adat Dlundungan. Tanah ayahan punika tan dados keedol wiyadin kekan tahang.
- (2) Ngaryanin wates tanah ayahan punika kesaksinin olih Prajuru Desa Adat.
- (3) Karang ayahan punika kapikukuhin antuk wates (sane maka cihna pagenan rurung, margi, tukad) tanah - ayahan nenten ugi dados kelahlahang ring tanah - penyandingnia.
- (4) Swadarmaning Sang ngamong tanah ayahan luwire :
 - a. Ngamiletin sangkepan nyabran sasih ;
 - b. Naur urunan rikalaning wenten pengaci, mapawa - ngun ;
 - c. Narima pahpahan banten manut tatiwak prajuru ;
 - d. Tedun ngayah rikala wenten karya ring margi - margi, mecikang pura (palinggih).

Indik Druwen Desa

pawos 22

1. Kayangen Desa
2. palemahan/ Karang Desa.
3. Tanah setra.

pawos 23

Krama Desa Tan Kalagra :

1. Ngalahlah tanah tegak sinanggeh suci, mekadi - tanah Kayangen Tiga, Setra miwah sane siyosan.

2. Ngalahlah tegal, mergi, ruring, karang, tukad, yan mamuring kadanda 100 (satas) kg beras tur ngewali ang tanah sane kelalahang.

palet 6

Indik Sirkerta pamitegep

kaping 1

Karang lan Tegal

pawos 24

- (1) Sang ngenahin karang patut nyengker karang inucap - antuk Tembok wiadin pagehan, pinih ajeng sane marep-kemargine mangda kanten asri, yan mamuring keni danda 25 (selae) kg beras.
- (2) penyengker sisi kaler miwah sisi kangin kekaryanin - antuk sang maduwe karang reh mewasta gegaleng kanlu an.
- (3) yan wenten karang kebebeng patut karang inucap polih margi.
- (4) prade penyengkere kesinanggeh ngelikadin yening pada arsa penyandinge kengin batese nganggen pinget kemaon tur kepikukuhin olih prajuru Desa.

pawos 25

- (1) Tegal patut magegaleng keteben pitegesnia bates sisi kauh miwah sisi kelod patut kekaryanin tur kapiare - antuk sang maduwe Tegal.
- (2) Bates Tegal kengin antuk pagehan wiadin pracihna pal saking Kantor Agraria utawi K.P.T.

pawos 26

- (1) Sinalih tunggil krama Desa tan kengin :
 - a. Ngalahlah tegak sane kesinanggeh suci mekadi tegak kahyangan wiadin setra.

b. Ngalahlah.....

- b. Ngelahlah Tegal, karang, Margi miwah sane siosan ;
- c. Ngembakeng sombah kepekarangan krama siosan ;
- d. Ngentungang wangke wewalungan lan ubuh - ubuhan - siosan ke pekarangan krama siosan, Tegal krama siosan miwah margi lan ruring ;
- e. Ngentungang wangke wewalungan ke pangkunge.

(2) prade memiring ring ajeng :

- a. Manut aksara a ring ajeng sejawaning keni upakara-pemarisude patut ngewaliang sane kelahlah tur kadanda gung arta 50 (seket) kg beras ;
- b. Manut aksara b ring ajeng kadanda 100 (satris) kg beras tur ngewaliang sane kalahlah ;
- c. Manut aksara c ring ajeng patut nyampetin sombah - inucap tur kadanda 5 (limang) kg beras ;
- d. Manut aksara d ring ajeng kadanda 10 (adasa) kg-beras ;
- e. Yening wenten ngentungang wangke wewalungan ke pangkunge kadanda 5 (limang) kg beras tur wangke wewalungan inucap patut ketanem olih sang ngentungang.

Kaping 2

K e k a y o n e n

pawos 27

- (1) Ngawit nandur tanem turuh patut a meter tengah ngaje roang saking watese.
- (2) Tan kalagra wit taru mentik sajroning wates.
- (3) prade wenten taru mentik sekadi wiwit (2) kengin kewasre antuk penyandinge, mangda taru inucap kerebah - kesaksinin antuk prajuru Desa tur taru inucap kepina ro tiga, asiki katur ring prajuru sane maritetes, muah sane kekalih kaepah ring sang Maduwe wates manut lokika.
- (4) prade wenten kasinanggeh mayanin, sang kajerihan - patut atur supeksa ring Prajuru Desa.....

Desa mangdene taru inucap kerebah, sanistania kepunggul.

- (5) Prade wenten mayanin wewangunan, sane keni prebe-
ya mecikang wewangunan inucap saha penyangaskara-
utawi pakeludan :
- a. Sang maduwe wit taru sane kasinanggeh mayanin risampun polih kewara ;
 - b. Sang ngerobah utawi munggul taru inucap ;
 - c. Taru inucap kepinara tiga, apah tigaan ke Desa kalih pahtigaan kaepah ring Sang maduwe wates manut lokika.

pawos 28

- (1) Yan wenten krama ngerebah taru pacang keanggen -
mapewangun utawi ngadol patut ngerereh pengeliki-
ta ring Prajuru Desa Adat.
- (2) Prade kapung :
- a. Yan ngerebah taru kekeran Desa utawi ngerebah-
taru ring tanah druwen Desa kekeninin denda -
awit 15 (limolas) kg beras, tur taru inucap-
kedant olih Desa ;
 - b. Prade taru tan kekeran Desa kerebah, kedanda -
10 (adasa) kg beras sane awit ;
 - c. Rikala Desa utawi Banjar mapewangun wenang nge
margiang rerampagan lwire :
 - 1. Desa sewidangan Desa Dlundungan.
 - 2. Rikala Banjar mapewangun, Banjar nunas ring
Desa manut kabuatannyane.

Kaping 3

W e w a n g u n a n

pawos 29

Wewangunan patut :

- a. Tan nyayabin kepisaga ;
- b. Prade wenten nyayabin, risampun kesadokang ring-
ring prajuru Desa tur wewangunan sane

sane nyayabin patut kanred senistania kekaryenang abangan ;

- c. Prade wewangunan ngelintang wates patut ngawenteng paigum ring penyandingnia yening sampun arsa patut kestrang ring prajuru Desa tur keilikitayang.

Kaping 4

Wewangunan

pawos 30

- (1) Sehanan Krama Desa sane mamiasa wewangunan patut nitenin negal utawi ngelogorin mangda tan ngerusak kerang utawi pakibonan Krama siosan, yan memrug keni danda 2 (kalih) kg beras tur ngewaliang sane krusak manut pengarga.
- (2) Prade ngerusak tegak suci sejaba keni pamidanda manut wiwit (1) meweweh upakara penyangaskara eka sata.
- (3) Prade neban wewangunan, sang neban patut pramungkin atur supeksa ring prajuru Desa tan kasepan ring arahina awengi saha wewangunan inucap kapiara kadi patute kalih sang maduwe wewangunan patut nebas prebeaya pangungnia.
- (4) Prajuru sesampun polih atur supeksa patut ring gelis maosin.

pawos 31

- (1) Tan kelugra ngangon miwah negal wewangunan ring :
 - a. palemshan tegak kahyangan utawi pemerajan ;
 - b. punden miwah pegehan Krama siosan kalih ring margi - margi sewidengan Desa.
- (2) Prade memrug sekadi inucap ring ajeng keni danda 5 (limang) kg beras.

Kaping 5.....

kaping 5

Indik Baya

pawos 32

- (1) Sane kasinanggeh bhaya inggih punika panca bhaya
luwire :
 - a. Jiwa bhaya utawi kebaya pati ;
 - b. Geni baya utawi kapuhunan ;
 - c. Bayu bhaya utawi angin lilus ;
 - d. Toya bhaya utawi kegentuhan ;
 - e. Artha bhaya utawi kemalingan.
- (2) Ritatkala ketiben panca bhaya, sang sapa sira ngi
patut nepak kulkuil manut tetenger bhayane tur se-
sampungne nepak patut atur supeksa ring Prajuru. -
Desa. Yan tan jati wenten bhaya wenang kapidanda-
100 (satas) kg beras.
- (3) Tetengeran kulkuil kepanca bhaya manut pawos 20.
- (4) Yan wenten krama katiben artha bhaya luwir ipun -
kemalingan patut rigelis atur supeksa ring sang -
Amawerat.

kaping 6

Penyangran Banjar

pawos 32

- (1) Desa Adat Dlundungan wewidangan widadin palemahan-
nenten keepah inggih punika dados asiki sane ke -
wastanin Banjar Dlundungan.
- (2) Rikala ngewangin yadnya suka duka kengin nunas -
penyangran banjar manut dresta.
- (3) Penyangran banjar sane kemargiang manut dresta -
miwah pererem.

SARGA IV

SUKERTA TATA AGAMA

palet 1

SARGA IV

SUKERTA TATA AGAMA

palet 1

Indik Dewa yadnya

pawos 33

1. Palinggih/ Penyiwien Sawidangen Desa Adat Dlundungen
Luwire :
 - a. Kabhyengen Tiga luwire Pura-Pura penyiwien sawidangen Desa Adat Dlundungen luwire : Pura Puseh - Pura Dalem, pangulon Setra/ Sanggah Mrajapati.
 - b. Pura Melenting, Pura Subak.
 - c. Pura Pedadisaan (Paibon/ pedarmaan).
2. patirtaan ring soang-soang Pura Susuhunan Desa sekadi ring sor :
 - a. Pura Puseh/ Panti : Purnama Kapat, Purnama - ke Dasa, Purnama Kasa - Sugien Bali, Sugien Jawa (Wrespati Wage Sukra - Kliwon Sungsang).
 - b. Pura Dalem/ Mraja pati : Tilem Sasih Kenem.
 - c. Pura Subak : Saniscara wmanis Wuku - Watu Gunung.
 - d. Pura Melantik : Buda Wage Klawu.
 - e. Pura Paibon (Dadia) : Kasukserahin ring Sang - ngamong soang-soang - manut tata Agama Hindu.
3. pengaci ring Pura inncap : Kemargiang Nista, Madia, utama manut kawentenen - saking perarem kalih - Prajuru Desa.
4. Sane tan dados ngeranjing ke Pura luwire :
 - a. Sang sane kecuntakan utawi kesebelan kesodayan.
 - b. Sang sebel raga, anak istri maduwe Oka sadurung-asesih pitung rahina, nganten durung mewidi.....

mewidi widana, ngeraja swala mewaneng petang rahina .

c. Anak istri bobot keraton, asasih pitung rahina.

pawos 34

(1) Ring Sajroning Pura tan dados :

- a. Yan tan mapengangge Adat.
- b. Mebacin.
- c. Mewarih.
- d. Majejuden.
- e. Memnyah.
- f. Memisah.
- g. Mesanggama.
- h. Ngambahang rambut utawi mesuri.
- i. Mesalin pengangge.
- j. Mebaos bangras sane ngawetwang iyeg.
- k. Munggah ring pelinggih lan penyengker Pura yening tan polih panugrahan saking prajuru Desa utawi pemangk.

(2) Yan mamring keni pamidanda kalih kg beras tur patut ngupakara pamarisda pura inucap, sejaba sane munggah ring aksara h miwah i.

pawos 35

(1) Ring soang - soang Pura inucap patut keadegang Pemangk.

(2) Ngadegang Pemangk patut ngantun dudonan sekadi ring sor :

- a. Mewilang saking turunan.
- b. Nunas pewanus Widhi utawi Nyanjan.
- c. Kasudi olih Krama Desa Adat Dlundungan.

(3) Sane tan dados keadegang Pemangk luwir ipun :

- a. Ceda Angga.
- b. Sakit Ila.
- c. Tan wikan ngewacen aksara bali utawi latin.
- d. Mecihna melaksana corah.

(4) pemangk, tan dados luwire :

- a. Tan dados ngambil sawa.
- b. Tan dados mapnyah - pnyah.
- c. Tan dados sirep ring margi - margine.
- d. Tan dados nyulubin penyemahan, longlongan kalih sene sarwa letih.
- e. Tan dados mategenan sajawaning mula kadruwen enggen ngeraga.

prade kapung sinalih tunggil ring ajeng patut-merastista raga kesaksinin olih prajuru Desa - Adat Dlundungan.

pawos 36

(1) swadarmaning pemangk, :

- a. Nitenin utawi nuntun kesucian kahyangan.
- b. Ngenterang upacara utawi upacara piodalan - ring kahyangan Desa Adat Dlundungan miwah - pakibon soang - soang pawongan.
- c. Ngaturang aturan Desa Adat Dlundungan utawi-saking dure Desa.

(2) sang sene pacang mapenaran leleb luwire patut-mesadok ring prajuru mangda keilikitayang tur - kengguhahang druwen Desa :

- a. penanran upacara lan wewalen.
- b. penanran lelwes, mule - mule lan sapenunggi lennia.
- c. sesari - sesari pemangk,.

(3) Ngenterang madya yadnya bilih-bilih utama kengin nur pedanda pacang maputang piodalan inwesp - lan pemangk, maka penyangra.

(4) Sane dados nyelidinin pemangk, Puseh, amung - Pemangk, dalem asapnika taler sewalibnia.

(5) Rikala pemangk, pacang ngenterang indik piodalan ring kahyangan Desa Adat Dlundungan patut mape - ngangge sarwa petak.

palet 2

Indik Resi yadnya

pawos 37

Sang maduwe yadnya patut ngaturang punia ring sang sane maput yadnyane.

pawos 38

Prajuru patut ngawas tur ngayomin, mialangin yan wenten-pemargi ngelantudin pemargi yadnyane.

pawos 39

- (1) Krama Desa Adat Dlundungan patut ngawas, nitenin katuntun antuk Prajuru mangda sehanan yadnyane sane kawentenang @ kaicen pemput olih Sang Sulinggih utawi pemangk, manut - dresta.
- (2) Prajuru patut nuntun saha ngemanggala Krama Desa Adat - Dlundungan ngawas, nitenin sapamargin Wikine ring wewidanganis, pamekas mikukuhin kasucian Linggih Ida.
- (3) Ngaturin sang maput dane punia manut agung alit yadnyane.

palet 3

Indik pitra yadnya

pawos 40

- (1) Prade wenten sinalih tunggil Krama Desa Adat Dlundungan - sede ring Dure Desa sawa inncap dados kebakta mantuk turkapretaka yan sedane sangkaning kepengawan patut meweweh-pengererebuan ring genah ketiben baye yan mamurug kedanda 10 (adasa) kg beras maweweh ngantakang penelas prebeya-pererebuanane.
- (2) Yan wenten anak saking dure Desa lan Krama sane sampun - lad medesa seda ring sajroning Desa Adat Dlundungan, prade jage kependem ring setra Desa patut wirangnia keni - penangjung batu 50 kg beras.

(3) Tan Kalugraha.....

- (3) Tan kalagra mendem sawa nuju rahina :
- Purnama, Tilem.
 - Kajeng Kliwon, Bude Kliwon Sinta, Bude Kliwon Dngwlan, Saniscara Kliwon Wariga, Anggara - Kliwon, Saniscara Kliwon, Kuningan, Bude Wage Wkair, Bude Wage Kelawan.
 - Semut Sadulur, Kala Gotongan sejawaning desane kebrebehan.
Yan mamung kedanda 50 (seket) kg beras maweweh-pakara penyangaskara.
- (4) Yan wenten pejah sadurung maketus mangda matengo long, yan sampun maketus mangda kapreteka.
- (5) Tan kalagra ngeraksa sawa ritetkalaning jagate - kagrebahan utawi kageringan, yan mamung kedanda 100 (satns) kg beras tur sawa inncap patut pre mangkin kependem.
- (6) Prade wenten krama Desa Seda, yan durung janten-pacang kapendem tan kalagra mekarya bangbang.
Yan mamung kedanda 25 (selae) kg beras maweweh-pakara Penyangaskara.
- (7) Prade wenten krama Desa Seda lintangan ring adiri ring sajroning arshina pemargine mendem patut sane mesadok rihinan mendem duman, mah sane - pungkran mangda ring wengine, yan mamung kedanda 100 (satns) kg beras.
- (8) Yan nuju pangaci ring Pura nuur Bshara Tirta ten dados ngeseng sawa utawi mendem, yan mamung - kedanda 100 (satns) kg beras maweweh pakara - Penyangaskara.
- (9) Tan kalagra ngaben sajroning sasih kapat ngawit-salhur rahine saking aci usaba kapat, Yan mamung kedanda 100 (satns) kg beras maweweh pakara Penyangaskara.
- (10) Pemangkesebelan riantukan ring kulawarga pemangkesebelan sane kantun dados akuren sekadi ring sor:
- yan wenten durung kepun pungsed sebel roras - rahina.
 - yan wenten.....

- b. Yan wenten seda sampun kepus pingsed sebel tigang rahina.
 - c. Yan rabin Pemangkane ngembasang Oka sebel petang-dasa kelih rahina lanange sebel akepus pingsed.
 - d. Yan Sinalih tonggil Pemangkane Desa seda patut, -
Sawenia kageseng, prade keabenang polih prebea -
saking desa kg beras.
- (11) Rikalaning ngaben ngebet sawa ring rahina punika ten kalagra mendem sawa, yan mamrung kedanda 100 (satwa) kg beras maweweh wpskara penyangaskara.
- (12) Ritakala raina pengabenen yan during usan nganyud -
tan dados mendem sawa, yan mamrung kedanda 100 (satwa) kg beras maweweh wpskara Penyangaskara.

pawos 41

- (1) Indik kulawarge sane maduwe jatma seda :
patut mesadok ring prajuru Desa, dadia sapunapi paetangan pacang mapendem utawi ngaben.
- (2) Swadermaning Banjar lan dadia :
a. Banjar lan dadia maritatas paetangan mah pamargi
nia tur nyanggra kanyamanis manut dresta.
b. Kampadiyang Banjar mangda makarya Awig - Awig Banjar parindikan nyangran pasika dukaan sane kapikah
kabin entuk klian Desa.

pawos 42

Yan wenten Anak Istri Seda ngadut manik wenang kegeseng utawi kependem, nanging garbania katetehin antuk datu.

palet 4

Indik Butha yadnya

pawos 43

- (1) Butha yadnya inggih punika saluwiring pecarman.
(2) Pecarman inucap medadonan kadi ring sor :

a.....

- a. Eka Sata ;
- b. pancasata ;
- c. Resigana ;
- d. pancakelud ;
- e. pancasanak ;
- f. Tawr kesanga.

pawos 44

mpakara kadi ring sor :

- (1) Majeng ring Ida Betara ring Pura Puseh ngawentenang mpakara wiyadin masegeh ring sasih kesanga.
- (2) Ring perempatan tur ring wates Desa Adat Dlundungan ngawentenang pecarwan nyabran tilem sasih kesanga.

pawos 45

mpakara rahina nyepi wiyadin sipeng nganutin catur-peberataan kadi ring sor :

- a. Amati geni, tan kengin meapi-api sejawaning :
 - 1. Sang maduwe rare durung tigang sasih ring - genah rare inncap ;
 - 2. Sang menepetin ring genah sang Sungkan.
 - 3. Sang maduwe layon ring genah sawa inncap lan sapennggilannia.
- b. Amati karya, tan wenang nyambut karya.
- c. Amati lelungayan tan kengin melelungayan sejawaning tilik prayogya Desa saha polih wak-wakan-entak ilikita pastika.
- d. Amati lelungan tan kengin nyararang barang, gega melan wiadin nepak sane maswara.

Yan mamung soang-sang ring ajeng kadenda l kg - berss.

palet 5

mdik Manusa Yadnya

pawos 46

(1) Sang pacang.....

- (1) Sang pacang mapodgala madwijati, sejaba nunas panugrahan ring sang wenang patat atur supeksa ring prajuru Desa.
- (2) prajuru inucap sareng nitenin, nureksa mangda sulur miwah pemargine jati - jati manut ring kecaping - Agama.
- (3) Sesampun papat padwijati prajuru Desa Adat Dlundungan patat digelis ngentosin pesengan sang madwijati ring sehanan ilikita antuk biseka kawikon manut-manut panugrahan nabene saha kesiarang ring Paruman Desa Adat Dlundungan.

SARGA V

SUKERT TATA PAWONGAN

palet 1

Indik perabian

pawos 47

- (1) perabian inggih punika patemoning purusa lawan pradana melarapan pananggalan kayun sika cita kadulirin pasaksi sekala niskala.
- (2) perabian inucap nganutin Awig-Awig Desa Adat Dlundungan lan pasukertan sang Amawerat tur mangdene prasi da kelaksanayang patat kesaksinin olih prajuru.
- (3) pemargin perabian lawire :
 - a. pepedikan, maduluran antuk sika cita sangkaningpaigm pikayun kalewarga sang kalih.
 - b. Merangkat, melarapan antuk sika cita lanang istri wates pejatine arahina ring awengi, yan mamrung-ring pariindik puniki kedanda 50 (seket) kg - beras.
 - c. Akeh pejatine paling alit kalih diri patat mabussane Adat saha nyelet keris tur makta bobok, yan mamrung pejati keni danda 2 (kalih) kg beras.
 - d. Mapejati patat ring Reramane twi, yan tan wenten patat kerahwang ring waris kepurusa yan tan wenten warisnia yogya ring sang Amawerat.
 - e. prade

- e. prade pemargin rangkate kas-mangsayain sang madri -
we wirange dados ngemargiang penegteg, nanging -
mangda kesarengin olih prajuru lan sang Amawerat.
- f. Ring sajroning ngemargiang penegteg tan kewena -
ngan makta sal-wiring senjata.
- g. Yan memargi rangkate mecihna tan sangkening krama
saka, lanange patut keni danda 100 (satas) kg -
beras tur pemargin rangkate kewangdeang.
- h. Yan wenten ngerangkatang anak istri saking Desa -
Desa patut nguningayang ring prajuru Desa Adat -
Klian Banjar Dinas miwah ring perbekel yan mamung -
ring keni danda 5 (limang) kg beras.
- i. Yan wenten ngetut saking kula warga sang kerangka
teng patut stur supaksa ring prajuru Desa Adat, -
Klian Banjar Dinas miwah perbekel.

(4) perabian sane tan kaputang kadi ring sor :

- a. Tan dados ngerangkatang Timin dia nyama.
 - b. Pianak temen, pianak dia nyama, Rerama dia nyama,
Semeton sodet, semeton sios meme, Semeton discam-
bra, pianak peperasan, pianak kyalon lan warang.
Yan mamung patut kapalasang tur kedanda 100 -
(satas) kg beras saha ngererebin Desa pekraman.
 - c. Yan wenten anak lanang mecihna engrabi weng alaki
rabi, sang engrabinin inucap kadanda 200 (satak)
kg beras tur wirang anake istri patut ngaturang -
wicarania ring Sang Amawerat, yan mamung kadanda
100 (satas) kg beras.
 - d. Yan wenten anak lanang ngerangkatang anak istri -
sane kantun merabian kadanda 300 (Tigang atas) -
kg beras tur wirang anake istri patut ngaturang -
wicarania ring Sang Amawerat, yan mamung kadanda
100 (satas) kg beras.
 - e. Yan wenten Anak mecihna memitra ngelang sekadi -
anak makrenan jantos tigang sasih patut prajuru-
Desa masin tur ngicen pemutus :
1. Yan sang kalih.....

1. Yan Sang kalih sami-sami nenten maduwe rabi patut kerangkatang, yan tan preside wicariania katir ring Sang Amawerat, prade pemutuse patch Sang lanang - kedanda 50 (seket) kg beras.
2. Yan Sang lanang sampun maduwe rabi patut pemaingin memitra lanange kepalasang tur rabin lanange utawi wirang anake istri patut ngaturang wicariania ring - Sang Amawerat, yan mamung kedanda 100 (satas) kg beras.

pawos 48

- (1) perabian sane kemanggehang patut manut Adat Desa Dluw dangan, indik pawidi widanaen kapuputang antuk Suling gih utawi pemangk.
- (2) Prajurit sane kasinenggeh saksi manut pawos 47 wiwit- (2) ring ajeng inggih punika, Prajurit Desa Adat, Alian Banjar Dinas maha perbekel.
- (3) Sang merabian ngawit tedun ngayah mekrama Desa sejoba sampun mewidi widana lan naur walagara patut wenten - Akta perabian.

palet 2

Indik palas merabian

pawos 49

- (1) perabian preside wisan melarapan antuk palas utawi - kepadaman.
- (2) Wisan makurenan riantukan sinalih tunggil seda mapite ges Balu.
- (3) palas merabian wenten sangkenin pada lila utawi mawit wicara macihna tan tumas swaha-citaning panangga - lan idep sang alaki rabi mapiteges Nyapian.
- (4) Tata cara palas merabian :
 - a. Yan wenten krama Desa mapikayun jagi palas merabi- an patut atur s-pekse ring Prajurit Desa olih prajur- rit Desa, wicariania kebawosin.
 - b. Yan pamutus Prajurit Desa tan katerima, wicariania - dados kelantarang ring Sang Amawerat.

c.....

- c. prade pamit se patch kadi sane kaicen prajuru Desa
ne, wenang kedanda 50 (seket) kg beras.

pawos 50

- (1) prade riwekas sang palas merabian mecihna ading malih
pamt ngelaksanayang upacara pawiwahan malih manit -
dresta sesampun polih panngrahan saking Sang Amawerat.

pawos 51

- (1) Soang - soang balu manit pawongania kabinyang dados:
a. Balu luh wit sentana rajeg.
b. Balu luh waja sentana rajeg.
- (2) Swadarmaning balu inucap patit :
a. Ngawisesa waris, paginakaya, tan kewesa ngadol -
ngadeang, makidhang sajroning doring polih pamit -
t's paigum saking Sang patit ngewaris.
b. Yening balu inucap ngangkat sentana kedadosang yan
sadarngnia sinalih tanggungil seda sampun wenten -
pidabdab tur kesetujuin antuk kulawarga kapurusu .

pawos 52

- (1) Balu luh tan pageh luhwire :
a. Matilar saking jero utawi pakubonan tan pesadok -
sajroning tigang sesih.
b. Lempes ring sajroning balu, tan sida ngentosin -
parisolah mejeng ring kulawarga pecah rahine utawi
kulawarga kapurusu rahine, balu inucap kapalasang-
patit tan polih pah pahan paginakayaan.
- (2) prade balu inucap pageh ngantun swadarmanis ketundung
antuk Sentanania utawi kulawarga kapurusu, balu inu -
cap patit polih pah-pahan paginakayaan, sane lanang -
polih ategen, sane istri polih asuhan.

palet 3

Indik Sentana

pawos 53

palet 3

Indik Sentana

pawos 53

- (1) Mungging Sentana wenten kalih soroh luwire :
 - a. prati sentana wiadin sentana Rajeng.
 - b. sentana peperasan.
- (2) Yan wenten perabian tan preside ngawetang Sentana -
kengin meras sentana sakewanten mngda eding duman -
ring kulawarga pasemetonan padiane.

pawos 54

- (1) Sang mapikayon meras Sentana patut atur sipeksa ring
prajuru Desa, Sanistania asasih sedoring kemargiang-
wpacara pemerasan.
- (2) Prajuru Desa kalih Klian Banjar patut nyiarang ring-
wewidangan Desa Adat Dlundungan.
- (3) Prajuru Desa digelis maosin tur ngicenin pamutus -
mungging dados tan dados pemerasan inucap kemargi -
ang.

pawos 55

- (1) pemerasan sane kasinanggeh patut ring Desa Adat Dlundungan risampun wenten :
 - a. wpacara mewidi-widana Pemerasan.
 - b. Kesaksinin antuk prajuru Desa Adat, Klian Banjar-
tur kesiarang ring paruman Desa.
 - c. Polih Ilikita saking pengadilan Nengeri.
- (2) Sane patut keperas anggen sentana kadi ring sor :
 - a. Jatma me- Agama Hindhu.
 - b. Pepernahan saking keperasa sang meras.
 - c. Yan tan wenten kengin saking wadon, prade tan wen-
ten wawan kedadosang sekita karep.

palet 4

Indik Warisan

pawos 56

palet 4

Indik warisan

pawos 56

- (1) warisan inggih punika wewarisan utawi tetamien arta berana, utang-piutang, ayah-ayahan sekala niskalassaking kulawarga arep ring keturunania.
- (2) Sane kasinanggeh warisan lwire :
 - a. Druwe tengah, karang pamahan, pamerajan, miwah para sesahnan.
 - b. Gnakaya, Tetadtadan, Jiwadana, lan utang-piutang.

pawos 57

- (1) waris lwire :
 - a. prati sentana keperusa utawi sentana Rajeg.
 - b. sentana peperasan.
- (2) Prade tan wenten waris manut wiwit (1) sane dados waris lwire :
 - a. Turunan keperusa kepernah ngunggahang mekadi Rerama dia misan, rerama dia mindon, kalih selanturnia ngunggahang.
 - b. Turunan keperusa kepernah kesamping mekadi keponakan, keponakan dia mindon miwah selanturnia nedunang.
- (3) Yan puting utawi campur tan maduwe papernahan kewaris antuk dadia, yan tan maduwe dadia patut keserah ke Desa Adat.

pawos 58

pah - pahan waris manut ring sor :

- a. Risampun kelaksanayang pengabenen lan utang-piutang waris bantas.
- b. Para waris polih pah-pahan pada, sane merupa pegnakaya, sejawening karang pamahan Desa sane keamong antuk waris kang kasinanggeh krama Desa Ngarep.
- c. Sinelih.....

- c. Sinilih tunggil waris ring ajeng tan polih pah -
pahan yaning metilar saking Agama Hindu.
- d. pewaris dados ngedumang paduweannia ring sajro-
ning kantun wrip :
 1. Jiwadana tetadtadan utawi bekel ring pianak -
sane kesah mapeumahan utawi makurenan.
 2. Ngedumang pengupa jiwa.
 3. Ngedumang tetegenan wiadin guna raksa, pahan-
waris padgata kantos pedum jemenek arep ring-
waris.
- e. pidabdab waris Karang Desa kepatut sane ngewaris
Sentana sane kapitetes tur kepatutang ring Pra-
jurit Desa Adat.
- f. Karang Desa sane kesumngin utawi tan kegenahin -
mawaneng awarsa antuk sang ngewaris wenang keda-
nt olih Desa.

pawos 59

- (1) Prade wenten sekadi ring ajeng Prajurit Desa nibakang
ring Krama Desa sane mapinwas kalih wiyakti nenten-
maduwe genah panraksa Prajurit Desa.
- (2) Yan tan keayahang sesampune kepaica mawaneng tigang-
sasih utawi tan kapidabdabang mawaneng awarsa, Karang
inucap wenang kedant utawi kejabat olih Desa.
- (3) Krama Desa sane megenah ring dora Desa kedadosang --
nwas Karang prade kantun wenten genah manut pangelo
kika Prajurit Desa.
- (4) Karang sane kasinanggeh sampun nganutin uger-uger -
kegenahin sanistania mangda wenten :
 - a. Pwaregan utawi paon.
 - b. Sanggah kemulan.
- (5) Karang Telajakan tan kedadosang keosa-osa Sang Madru
we telajakan sedurung wenten paras-paros, Prade kep-
ring wenang kebaosin olih Prajurit Desa tur kekeninin-
danda 10 (adasa) kg beras saha ngewaliang telaja -
kan sane keosa.

(6).....

- (6) Yan wenten ngeranjingin utawi ngarengin wawu meda ging tenem tawuh patut sang ngeranjingang punika nantar atuk pati manut pengargania.

SARGA VI

WICARA LAN PAMIDANDA

palet 1

Indik wicara

pawos 60

- (1) Sane patut maosin miwah mutusang wicara ring Desa Adat Dlundungan inggih punika Prajurit Desa Adat Dlundungan sang kasinanggeh pangerta Desa Adat.
- (2) Ritakala wenten wicara raris kepatus ring Prajurit Desa Adat, yan pamatus punika tan mantuk ring-pikayun sang mawicara riantukan pamatus wicara saking Kerta Desa Adat, dados ngaturang wicaraaning sang amawerat mewaneng asasih saking rhinapamatus wicara kerta Desa inucap, yan mamring keni danda 50 (seket) kg beras.
- (3) Sakeluwiring wicara sane mawiwit saking corah miwah kang mamring sedaging awig-awig yadiastu merupa wicara inggihan patusing krama Desa Adat utawi Banjar manut wiwit (1) ngi digelis kebaosin antuk Prajurit Desa Adat tan malih nyantos pinning sang melaksana corah miwah sang mamring paswara.
- (4) Sejawaning indik wicara manut wiwit (3) kang Prajurit sakertaning Desa Adat patut nyantosang mesadok utawi pininas sang mapisarat kandugi nuna sang mangda pandidihan kawicara ring sangkepan Prajurit Desa Adat.
- (5) Seluwiring penepas saking Prajurit Desa Adat mangdene napak ring awig-awig mekadi pasakertan Desa.
- (6) Dसर pamatus wicara mangda ngi ketanasang pikukuh saking perarem antuk lokihaning wicara melarsan :

SARGA VII

3.

Pawos 60

- a. Ilikita, s-rat-s-rat sane s-jati.
- b. Saksi, sane man-t kesinnggeh saksi, sane ten wewang keanggen saksi inggih panika : Geneton, Oka, Babi, Rerame, Yayah, Ibu, Misan utawi Mindon kep-rasa.
- c. B-kti, merupa sane keni keagem.

palet 2

Indik pamidanda

pawos 61

- (1) Prajuru Desa Adat wewang niwakang pamidanda ring krama Desa Adat Dlundangan sane mamaring Awig-Awig msh-pas-kertan Desa.
- (2) Pawos-pawos wiadin pepaletan pamidanda lawire :
 - a. Kang sisip ketiwakin gang arta.
 - b. penebus kesisipan ant-k syahan.
 - c. keni pang-pacara ant-k bebanten.
 - d. kejabat-in msh keg-rahin utawi kelelang.
 - e. kerarianang sed-runge puput naur keiwang-iwangan.
 - f. keeladang.
 - g. Munas pengampure ring krama Desa Adat.
- (3) Jinah utawi arta berane pamidanda ika ring krama Desa Adat utawi Banjar, S-bak Abian kalih sekeha-sekeha siosan man-t kedi pas-kertan soang-soang.
- (4) Manging yan kantos kebaosin ring Prajuru Desa Adat ngi naur pakencan apahlimaan saking pamidanda.
- (5) Dasar niwakang pamidanda ring Sang ketiwakin sane kewatanggung sisip sajroning krama Desa Adat Dlundangan knd-gi mangda man-t ring sedaging Awig-Awig msh pas-kerte siosan.
- (6) kesisipan krama Desa sane pat-t keni pamidanda wenten kalih pawos :
 - a. Memaring AWIG - AWIG lan pas-kerta.
 - b. Melaksana ten pat-t.

SARGA VII

NGWAH-NGUWUHIN AWIG-AWIG

pawos 62

SARGA VII

NGUWAH-NGUWUHIN AWIG-AWIG

pawos 62

- (1) NGuwah - nguwuhin Awig-Awig Desa Adat puniki kelak sanayang antuk paruman Desa,
- (2) paruman inucap mangda kedaserin antuk pinngas Krama Desa wiadin prajuru Desa.
- (3) pamutus kedaserin antuk perarem gilik-saguluk.

pawos 63

paruman indik nguwah-nguwuhin Awig-Awig sekadi -
ring ajeng kengin kemedalang antuk prajuru Desa.

SARGA VIII

P E M U P U T

pawos 64

- (1) Awig-Awig puniki kewastanin Awig-Awig Desa Adat -
Dlindungan.
- (2) Awig-Awig puniki kemargiang ngawit keraremin.

pawos 65

- (1) Sakelwiring sane wenten sedurungnia patut keanu -
tang ring sedaging Awig-Awig puniki.
- (2) Sakelwiring sane durung kebaos ring sajroning Awig
Awig puniki patut kelaksanayang manut tata cara -
sane sampun ketah memargi kedulirin antuk perarem.

pawos 66

- (1) Awig-Awig puniki keadegang antuk sangkepan Krama -
Desa Adat Dllindungan, duk rahina Anggara Kliwon -
Wuku prangbakat Isaka 1912.
- (2) Prajuru Desa Adat Dllindungan kalih para saksi sane
sareng ngardi Awig-AWIG puniki saha ngalingga -
tanganin.
- (3) Lwir Sang.....

(1) Luwir Sang ngalingga tanganin,

1. Klian Desa Adat,

[Signature]
I NENGAH KELOD.

2. Penyarikan,

[Signature]
I GEDE GUYANG.

[Signature]
I NYOMAN RAI GONDET.

3. pemangku Dalem,

[Signature]
Mangku Ketut Benbem.

[Signature]
NENGAH MANGKU BATAN

[Signature]
Klian Desa/Banjar Dlundangan,
KEC. KUBU
I WAYAN MUKIR.

5. Kepala Desa Ban,

[Signature]
KEPALA DESA
BAN
I GEDE TANTRA.

6. Camat Kubu,

[Signature]
CAMAT
KUBU
Drs. Gede Suratama

NIP. 600005805.

sa, 7 pebruari 1991 .

Mengetahui dan telah dicatatkan
di Kantor Kepala Daerah Tingkat II Karangasem,
[Signature]
LETUT MERTHA SMIK.









TEAM PENYEMPURNAAN/PENELITIAN AWIG-AWIG DESA ADAT
KABUPATEN DAERAH TINGKAT II KARANGASEM.

I. LEMBAGA PENGAWAS :

1. Ketua : Bupati Kepala Daerah Tingkat II Karangasem,
2. Wakil Ketua : Sekretaris Wilayah/Daerah Tk. II Karangasem,
3. Anggota : a. Ketua Bappeda Tingkat II Karangasem,
b. Kepala Kantor Departemen Agama Kabupaten
Daerah Tingkat II Karangasem.
c. Kepala Bagian Keuangan Setwilda Tingkat
II Karangasem.

II. TEAM PENYEMPURNAAN/PENELITIAN AWIG-AWIG DESA ADAT :

1. Ketua : Kepala Bagian Hukum Setwilda Tingkat II
Karangasem.
2. Wakil Ketua : Ketua BPPLA Kabupaten Daerah Tingkat II
Karangasem.
3. Sekretaris : Kepala Sub Bagian Bantuan Hukum pada Ba-
gian Hukum Setwilda Tingkat II Karangasem,
4. Anggota : a. Staf Kantor Departemen Agama Kabupaten
Karangasem ;

(IDA DENA KETUT CAKRA).-
b. Perisada Hindu Dharma Kabupaten Daerah
Tingkat II Karangasem ;

(IDA BAGUS NGURAH SWD).-
c. Staf Bagian Hukum Setwilda Tingkat II
Karangasem ;

(IDA GEDE SEMARA).-
d. Staf Kantor Departemen Agama Kabupaten
Karangasem ;

(IDA WAYAN SUPER).-
e. Staf Kantor Pengadilan Negeri Amlapura ;

(IDA BAGUS KETUT TANTRA).-
f. Staf KAPOLRES Karangasem ,

(IDA GUSTI MADE DJATMIKA).-

g. Staf Kejaksaan Negeri Amlapura ;

(I M. DE SUDANA).-

h. Staf Bagian Hukum Setwilde Tingkat II
Karangasem ;

(I MADE SUPRATA, Sm.Hk).-

i. Staf Bagian Keasr Setwilde Tingkat II
Karangasem ;

(I GUSTI LANANG JENDRA).-

j. Staf Kantor Sosial Politik Kabupaten
Karangasem ;

(I KETUP BONA).-

Amlapura ,

Team Penyempurnaan/Peneliti Awig-Awig Desa
Adat Kabupaten Daerah Tk.II Karangasem ;

(Sekretaris ,

(I N. NGAH RENGGEN).-

(SUDIARTA, SH).-

II Ketua ,

(AGUS PIDADA AMNYANA).-